



Ministarstvo za pitanja branitelja HNŽ-K
Ministarstvo za pitanja boraca HNK
Министарство за питања бораца ХНК

Na osnovu člana 20. Zakona o dopunskim pravima branilaca i članova njihovih porodica u Hercegovačko-neretvanskom kantonu („Službene novine HNK“, broj: 6/18, 4/21, 7/22 i 11/23) i člana 17. Pravilnika o postupku ostvarivanja prava u projektima samozapošljavanja, otvaranja radnih mjesta i drugih oblika radnog angažovanja („Službene novine HNK“, broj: 12/25), a u vezi sa Programom utroška novčanih sredstava utvrđenih u Budžetu HNK za 2025. godinu za Ministarstvo za pitanja branitelja/boraca HNŽ/K („Službene novine HNK“, broj: 6/25) i Programa pomoći samozapošljavanja branilaca, članova njihovih porodica i članova porodica poginulih, umrlih i nestalih branilaca u Hercegovačko-neretvansko kantonu broj: 01-02-3866/25 od 03.10.2025. godine, Ministarstvo za pitanja branitelja/boraca HNŽ/K raspisuje:

JAVNI POZIV

za pomoć u projektima samozapošljavanja, otvaranja radnih mjesta i drugih oblika radnog angažovanja branilaca, članova njihovih porodica i članova porodica poginulih, umrlih i nestalih branilaca u Hercegovačko-neretvanskom kantonu u 2025. godini

I PREDMET JAVNOG POZIVA

Predmet Javnog poziva je dodjela novčanih sredstava u projektima samozapošljavanja, otvaranja radnih mjesta i drugih oblika radnog angažovanja branilaca, članova njihovih porodica i članova porodica poginulih, umrlih i nestalih branilaca u Hercegovačko-neretvanskom kantonu (u daljnjem tekstu: Kanton) iz raspoloživih sredstava Ministarstva za pitanja branitelja/boraca HNŽ/K (u daljnjem tekstu: Ministarstvo) u iznosu od 260.000,00 (slovima: dvije stotine šezdeset hiljada konvertibilnih maraka).

II KORISNICI PRAVA I NAMJENA SREDSTAVA

Pravo na dodjelu sredstava po ovom Javnom pozivu imaju branioci iz odbrambeno-oslobodilačkog rata, članovi njihovih porodica i članovi porodica poginulih, umrlih i nestalih branilaca, kroz jednu od slijedećih mjera:

1. Mjera poticanja samozapošljavanja branilaca i članova porodica poginulih, umrlih i nestalih branilaca kroz podršku osnivanju, radu i razvoju boračkih zadruga;
2. Mjera poticanja samozapošljavanja branilaca, članova njihovih porodica i članova porodica poginulih, umrlih i nestalih branilaca kroz podršku obavljanju samostalne trgovačke, uslužne, obrtničke i srodne djelatnosti (u daljnjem tekstu: registrovane djelatnosti) kao prvo pokretanje vlastite samostalne registrovane djelatnosti i podršku obavljanju djelatnosti registrovane od posljednjeg Javnog poziva;
3. Mjera poticanja samozapošljavanja branioca-poljoprivrednika kroz podršku razvoju i održivosti porodičnih poljoprivrednih gazdinstava.

Podnosilac zahtjeva dužan je na propisanom obrascu koji je u prilogu Javnog poziva naznačiti namjenu iz tačke II ovog Poziva za koju traži bespovratna sredstva.

III OPĆI I POSEBNI USLOVI ZA OSTVARIVANJE PRAVA

1) Opći uslovi za ostvarivanje prava po ovom Javnom pozivu su:

- za odobravanje novčanih sredstava pravnim licima:

- a) da su boračke zadruge registrovane na području Kantona čiji su osnivači ili članovi zadruge u statusu branioca iz odbrambeno-oslobodilačkog rata ili člana porodice poginulih, umrlih i nestalih branilaca;
- b) da je registracija djelatnosti čiji je osnivač branilac ili član porodice branioca, član porodice poginulog, umrlog i nestalog branioca izvršena na području Kantona.

- za odobravanje novčanih sredstava fizičkim licima:

- a) da je porodično poljoprivredno gazdinstvo (PPG) registrovano na području Kantona;
- b) da nosilac PPG-a ima status branioca iz odbrambeno-oslobodilačkog rata.

2) Pored općih uslova za ostvarivanje prava iz ovog Javnog poziva, podnosilac zahtjeva treba ispunjavati slijedeće posebne uslove:

- Za mjeru poticanja osnivanju, radu i razvoju boračkih zadruga:

- a) da je osnivača ili članova zadruge u statusu branioca ili člana porodice poginulih, umrlih i nestalih branilaca najmanje 50%;
- b) da je broj osnivača ili članova zadruge u statusu branioca ili člana porodice poginulih, umrlih i nestalih branilaca najmanje 5, u slučaju kada boračka zadruga broji preko 10 članova ili osnivača.

- Za mjeru poticanja obavljanja registrovane djelatnosti:

- a) obavezni rok zaposlenosti korisnika podrške za obavljanje registrovane djelatnosti je najmanje 12 mjeseci od potpisivanja ugovora, tokom kojih je korisnik obavezan uplaćivati propisane doprinose u vezi sa plaćom, te ostale obaveze koje proizlaze uslijed registracije i poslovanja registrovane djelatnosti.

- Za mjeru poticanja zapošljavanja branioca-poljoprivrednika kroz podršku razvoju i održivosti PPG-a:

- a) ostvarivanje prava za mjeru poticanja zapošljavanja branioca-poljoprivrednika kroz podršku razvoju i održivosti PPG moguće je ukoliko ukupna mjesečna primanja branioca i članova njegovog porodičnog domaćinstva ne prelaze iznos od 70% prosječne isplaćene plaće u Federaciji BiH iz prethodne godine.

IV OBAVEZNA DOKUMENTACIJA ZA DOKAZIVANJE ISPUNJENOSTI USLOVA

1) Za mjeru poticanja osnivanju, radu i razvoju boračkih zadruga:

- za poticanje boračkim zadrugama osnovanim i registrovanim od posljednjeg Javnog poziva u svrhu sufinansiranja troškova nastalih iz postupka osnivanja i registracije:

- a) **Prijavni obrazac** - (obrazac sa službene Internet stranice Ministarstva br.-1);
- b) **Rješenje o registraciji;**

- c) **ID broj;**
- d) **Aktualni izvod iz knjige zadrugara;**
- e) **Plan rada zadruge** (izrađen od ovlaštenog lica zadruge);
- f) **Dokaz o članovima** zadruge sa branilačkim statusom (pripadnost branilačkoj populaciji sa minimalno 50% članova ili osnivača zadruge) - (obrazac sa službene Internet stranice Ministarstva s uvjerenjima o branilačkom statusu br.-2);
- g) **Izjava o broju članova** koje zadruga namjerava zaposliti - (obrazac sa službene Internet stranice Ministarstva br.-3);
- h) **Obavijest o prebivalištu** (CIPS- Obrazac PBA-3) u Hercegovačko-neretvanskom kantonu za članove zadruge s branilačkim statusom;
- i) **Izjava o vlasništvu**/najmu/zakupu/koncesiji nad zemljištem/poslovnim prostorom sačinjena od strane ovlaštenog lica zadruge;
- j) **Opis djelatnosti** iskazan kroz Plan rada zadruge.

- za boračku zadrugu koja ima namjeru **povećanja postojećeg obima** privredne djelatnosti, odnosno stvaranje novog finalnog proizvoda i/ili nabavku opreme u svrhu unaprjeđenja obavljanja djelatnosti ili koja **se po prvi put prijavljuje** na Javni poziv Ministarstva:

- a) **Prijavni obrazac** - (obrazac sa službene Internet stranice Ministarstva br.-1);
- b) **Rješenje o registraciji;**
- c) **ID broj;**
- d) **Aktualni izvod iz knjige zadrugara;**
- e) **Plan rada zadruge** (izrađen od ovlaštenog lica zadruge);
- f) **Dokaz o članovima** zadruge s branilačkim statusom (pripadnost branilačkoj populaciji sa minimalno 50% članova ili osnivača zadruge) - (obrazac sa službene Internet stranice Ministarstva s uvjerenjima o branilačkom statusu br.-2);
- g) **Izjava o vlasništvu**/najmu/zakupu/koncesiji nad zemljištem/poslovnim prostorom sačinjena od strane ovlaštenog lica zadruge;
- h) **Dokaz o eventualnoj** zaposlenosti branilaca ili člana porodice poginulih, umrlih ili nestalih branilaca u zadrugi (potvrda o statusu zaposlenih izdana od ovlaštenog lica u zadrugi);
- i) **Izjava o broju članova** koje zadruga namjerava zaposliti (obrazac sa službene Internet stranice Ministarstva br.-3);
- j) **Obavijest o prebivalištu** (CIPS- Obrazac PBA-3) u Hercegovačko-neretvanskom kantonu za članove zadruge s branilačkim statusom;
- k) **Izjava o prikazu novčanih** davanja po istoj ili sličnoj osnovi od drugih pravnih lica, realizacija dobivenih sredstava pomoći, efekt istih za posljednje četiri godine (obrazac sa službene Internet stranice Ministarstva br.-4);
- l) **Eventualni** predračun, ponuda ili račun kao dokaz planiranog povećanja obima proizvodnje;
- m) **Dokaz o učešću** na domaćim i inostranim sajmovima u cilju jačanja zadružnih proizvoda – (potvrde, zahvalnice i dr.);
- n) **Bilansa stanja**/uspjeha za prethodnu godinu;
- o) **Potvrda** o izvršenoj zadružnoj reviziji u posljednje dvije godine, izuzev za zadruge za koje od dana registracije do dana objave ovog poziva nije proteklo više od dvije godine;
- p) **Izjava** da su ranije doznačena sredstva od ovog Ministarstva pravdana odgovarajućom finansijskom dokumentacijom (obrazac sa službene Internet stranice Ministarstva br.-5);

q) **Opis djelatnosti** iskazan kroz Plan rada zadruge.

2) Za mjeru poticanja samozapošljavanja branilaca, članova njihovih porodica i članova porodica poginulih, umrlih i nestalih branilaca kroz podršku obavljanju samostalne trgovačke, uslužne, obrtničke i srodne djelatnosti kao prvo pokretanje vlastite samostalne djelatnosti koja je registrovana od posljednjeg Javnog poziva:

- a) **Prijavni obrazac** (obrazac sa službene Internet stranice Ministarstva br.-1);
- b) **Rješenje o registraciji** djelatnosti od posljednjeg Javnog poziva;
- c) **ID broj**;
- d) **Dokaz o statusu branioca/člana porodice branioca**:

▪ **za branioca:**

- Uvjerenje o statusu izdato od nadležne gradske/općinske službe za boračko-invalidsku zaštitu ili Uvjerenje nadležne grupe za pitanje evidencija iz oblasti vojne obaveze;
- Uvjerenje o učešću u odbrambeno-oslobodilačkom ratu s duljinom trajanja izdato od strane nadležne grupe za pitanje evidencija iz oblasti vojne obaveze (HVO, A RBIH ili MUP) obrazac VFMB-3a;

▪ **za člana porodice poginulog, umrlog, nestalog branioca:**

- Uvjerenje o statusu izdato od nadležne gradske/općinske službe za boračko-invalidsku zaštitu;

▪ **za člana porodice branioca:**

- Uvjerenje o statusu branioca izdato od nadležne gradske/općinske službe za boračko-invalidsku zaštitu ili Uvjerenje o učešću branioca u odbrambeno-oslobodilačkom ratu s duljinom trajanja izdato od strane nadležne grupe za pitanje evidencija iz oblasti vojne obaveze (HVO, A RBIH ili MUP) - obrazac VFMB-3a;
- dokaz o srodstvu podnosioca zahtjeva sa braniocem;

e) **Obavijest o prebivalištu** (CIPS- Obrazac PBA-3) u Hercegovačko-neretvanskom kantonu za podnosioca zahtjeva;

f) **Uvjerenje MIO/PIO** o podacima registrovanim u matičnoj evidenciji osiguranika;

g) **Uvjerenje nadležne Porezne uprave** o izmirenim obavezama podnosioca zahtjeva po osnovu poreza i doprinosa;

h) **Izjava kojom se potvrđuje** da je obavezni rok zaposlenosti korisnika za samozapošljavanje najmanje 12 mjeseci od potpisa ugovora, tokom kojih je korisnik obavezan uplaćivati propisane doprinose - (obrazac sa službene Internet stranice Ministarstva br.-2);

i) **Izjava da korisnik** nije ostvario predmetno pravo na osnovu programa koje provodi Fond za profesionalnu rehabilitaciju i zapošljavanje lica sa invaliditetom FBiH (samo za invalide) - (obrazac sa službene Internet stranice Ministarstva br.-3).

3) Za mjeru poticanja samozapošljavanja branioca-poljoprivrednika kroz podršku razvoju i održivosti porodičnih poljoprivrednih gazdinstava:

- a) **Prijavni obrazac** - (podnosilac zahtjeva mora biti nosilac PPG-a) - (obrazac sa službene Internet stranice Ministarstva br.-1);
- b) **Dokaz o statusu branioca:**
 - Uvjerenje o statusu izdato od nadležne gradske/općinske službe za boračko-invalidsku zaštitu i/ili Uvjerenje o učešću u odbrambeno-oslobodilačkom ratu sa duljinom trajanja izdato od strane nadležne grupe za pitanje evidencija iz oblasti vojne obaveze (HVO, A R BiH ili MUP) – obrazac VFMB-3a;
- c) **Kućna lista ovjerena** od nadležnog gradskog/općinskog organa uprave;
- d) **Obavijest o prebivalištu** (CIPS- Obrazac PBA-3) u Hercegovačko-neretvanskom kantonu za podnosioca zahtjeva i sve članove porodičnog domaćinstva/PPG;
- e) **Dokaz o svim redovnim** primanjima i visini istih podnosioca i članova porodičnog domaćinstva. Primanja ostvarena na osnovu boračko-invalidske zaštite (lična invalidnina, porodična i novčana egzistencijalna naknada) i socijalne zaštite ne ulaze u imovinski cenzus podnosioca zahtjeva, ali ih je potrebno dostaviti;
- f) **Ukoliko podnosilac zahtjeva** ili punoljetni član njegove porodice nije u radnom odnosu, kao dokaz o istom dostavlja: Uvjerenje Službe za zapošljavanje ili Uvjerenje nadležne porezne ispostave ili Uvjerenje Federalnog zavoda za mirovinsko-invalidsko osiguranje o podacima registrovanim u bazi podataka matične evidencije osiguranika - penzionera;
- g) **Poslovni plan za PPG/Plan** utroška sredstava - (obrazac sa službene Internet stranice Ministarstva br.-2);
- h) **Potvrda o registraciji PPG** i Lista korištenja iz koje je vidljivo da je podnosilac zahtjeva izvršio ažuriranje podataka u tekućoj godini, izdanu od nadležnog gradskog /općinskog organa uprave;
- i) **Dokaz o eventualnome učešću** na privrednim sajmovima-(potvrde, zahvalnice, nagrade i dr.);
- j) **Dokaz o eventualnome kontinuiranom** plasmanu proizvoda kojim se osigurava egzistencija za svoju porodicu i/ili podiže kvaliteta života (ugovor, najam štanda na pijaci ili drugi dokument kojim se potvrđuje prethodno).

NAPOMENA: Zatražena dokumentacija ne smije biti starija od 6 mjeseci od dana objave Javnog poziva na službenoj stranici Ministarstva, osim dokumentacije koja trajno vrijedi, a kopije iste moraju biti ovjerene kod nadležnog organa uprave.

V OGRANIČENJA KORIŠTENJA MJERA IZ JAVNOG POZIVA

Sufinansiranje projekata samozapošljavanja, otvaranja radnih mjesta i drugih oblika radnog angažiranja kroz mjeru poticanja osnivanju, radu i razvoju boračkih zadruga moguće je ostvariti jedanput godišnje.

Sufinansiranje projekata poticanja samozapošljavanja kroz podršku obavljanju registrovanih djelatnosti moguće je ostvariti samo jedanput.

Korisnici ovih mjera mogu podnijeti zahtjev samo za jednu mjeru po ovome Javnom pozivu.

VI POSTUPANJE PO PRIJAVAMA I ROK DO KAD SE ZAHTJEVI MOGU PODNIJETI

- (1) Prijava na Javni poziv podnosi se na jedinstvenom obrascu dostupnom u sjedištu Ministarstva, Kralja Petra Krešimira IV br. 8/A, 88000 Mostar, u općinskim odnosno gradskim službama boračko-invalidske zaštite u HNK i na službenoj internet stranici Ministarstva: www.mbhnz-k.ba.
- (2) Prijave na Javni poziv sa potrebnim odgovarajućim dokumentima u zatvorenoj koverti podnose se neposredno na protokol Ministarstva ili putem poštanske službe na adresu Ministarstva za pitanja branitelja/boraca HNŽ/K, Kralja Petra Krešimira IV br. 8/A, 88000 Mostar.
- (3) Nepravovremene, nepotpune i neuredne prijave neće se uzeti u razmatranje, o čemu je Ministarstvo obavezno obavijestiti podnosioca zahtjeva.
- (4) Po okončanom postupku razmatranja pravovremenih, potpunih i urednih prijava, a na osnovu utvrđenih činjenica sa podnosiocima zahtjeva koji su ispunili sve uslove, a u skladu sa raspoloživim sredstvima potpisati će se Ugovor o dodjeli i namjenskom utrošku sredstava.
- (5) Ministarstvo će posebno obavijestiti podnosioca zahtjeva koji nisu stekli uslove za potpisivanje Ugovora o dodjeli i namjenskom utrošku sredstava.
- (6) Ministarstvo zadržava pravo dodatnih provjera i utvrđivanja svih činjenica koje su zatražene uslovima Javnog poziva.
- (7) Javni poziv ostaje otvoren **do 31. oktobra 2025. godine.**

VII KONTROLA UTROŠKA I NAČIN PRAVDANJA ODOBRENIH SREDSTAVA

- (1) Kontrolu utroška odobrenih sredstava doznačenih na osnovu zaključenog Ugovora, vrši Ministarstvo.
- (2) Korisnik sredstava dužan je Ministarstvu dostaviti dokaze o namjenskom utrošku istih – uz obrazac pravljanja koji čini prilog Ugovora o dodjeli i namjenskom utrošku sredstava.
- (3) Nenamjenski utrošena sredstva koja su na osnovu Ugovora doznačena podnosiocu zahtjeva imaju se vratiti na račun Budžeta kantona.

Broj: 01-02-3866/25-3

Mostar: 09.10.2025. godine

